

UNITED NATIONS SECURITY COUNCIL RESOLUTION 1325 ON WOMEN, PEACE AND SECURITY:

Security Council Resolution 1325 was passed unanimously on 31 October 2000. Resolution (S/RES/1325) is the first resolution ever passed by the Security Council that specifically addresses the impact of war on women, and women's contributions to conflict resolution and sustainable peace.

Why na UNSC resolution 1325 emi important long ol meri blong Bougainville?

by Louise Anne Laris

Ol meri blong Bougainville iken usim resolution 1325 long singaut long Autonomous Bougainville Government (ABG) long luksave long Peace Building insait long province. Dispela emi wok we olgeta meri ibin wok hat long kamapim long taim blong Bougainville Conflict.

Unaited Security council emi wanpela committee we itokaut long olgeta meri imas involve long decision making na gavman imas luksave long wok bilong ol. Olgeta meri blong Bougainville ibin wok strong tru long pinisim pait insait long ol community ikam inap long tete.

Resolution 1325 iluksave tru long wok bilong olgeta meri na ol yanpela. Dispela section itok gavman imas includim ol meri insait long ol committee emi sanapim na imas kisim ol tingting blong olgeta meri long area we iconcernim ol.

Unaited Neisen Sekiurity Council resolution isingaut strong long gavman long halivim na protectim ol meri na yanpela long taim blong pait, na emi imas halivim ol long ol needs blong ol.

Olgeta meri blong Bougainville ifeel olsem gavman blong ol ino luksave long ol needs blong ol olsem na UNSCr iken halivim ol stret long tokaut long olgeta hevi oli pesim.

Planti meri insait long Bougainville pesim wanpela hevi long market na oli singaut long ABG long lukluk klostu long en na traim long halivim ol. Planti mama insait long Bougainville ipainim hat long sait blong transportaion long karim kaikai igo long maket. Tru emi no safe tumas long ol mama long kalap igo ikam long ol kar olgeta moning na avinun. Road system blong skul ino orait tumas na dispela tu imekim ihad tumas. Dispela pasin iexpensive tumas bikos oli mas baim kar na fee blong ol basket oli karim igo long maket. Sampela taim oli save winim liklik moni tasol taim oli maket. Gavman imas painim sampela isi way long mekim ieasy long ol meri.

Sea transport na Air transport ino planti long ailan na ol sumatin husat isave skul long ol narapela hap isave lusim skul nau bikos oli mas wait narapla week gen long ship imas kam bek. Gavman imas lukluk long dispela bikos UNSCr iwok long lukluk long education blong ol pikinini especially ol pikinini meri.

Communication long Ailan tu ino orait tumas. Sapos wanpela meri isik oli no nap long kisim em kwik taim igo long haus sik bikos ino gat telephone long ringim ol lain blong hausik. Tu sapos trabol ikamap long ples, ino gat taim long tokim ol authority bikos long communication.

Autonomous Bougainville Gavman imas kisim tu planti meri igo insait long Parliament long tokaut long ol problem o l meri iwok long pesim olgeta taim. O long pusim ol issues blong ol meri na pikinini meri go long frant so that Gavman iken kamap wantaim sampela way long halivim ol meri. Olgeta meri ilaikim tu bai gavman iluksave na kisim plantimeri na invovim ol long Decision Making insait long Bougainville.



"Peace"

Long mun Oktoba long namba 31st, 2000, Security Council Resolution 1325 isapotim ol meri, pis na sekiuriti. Emi wanpela niupela samting ibin kam long makim bikpela de blong ol meri. Em imakim bikpela de long wanem em inambawan taim blong dispela grup oli kolim Sekiuriti Kaunsel ibin toktok long wok na save blong ol meri we oli soimaut long wei, we olgeta isave stretim ol kainkain birua long ol yet.

“Watpo na emi mekim man iseksek nating long United Security Council Resolution 1325? Long bipo, bipo tru ikam inap tete ol meri ibin wok olsem pis educators, long famili blong ol na tu insait long ol sosaitis. Long sindaun blong olgeta yet emi soim olsem olgeta isave sanap strong tru long ol kainkain pasin we isave bagarapim olgeta.” (Kofi Annan)

Olgeta resolution o lo emi save halivim tru Sekiuriti Kaunsel long wokim wok blongen; long wanem wei olsem toktok blong President na toktok blong Press nating igivim pawa long olgeta long wokim wok blong olgeta. Nau na taim olgeta itoktok makim olgeta meri, wo na pis baimbai em imas wok olgeta taim. Dispela Sekiuriti Kaunsel ino mekim niupela wei o niupela samting, tasol em bai isi sapos NGO’s na UN imas wok bung wantaim na tu wantaim sampela memba kantri tu.

Long mun Oktoba 31st, 2000 UN Sekiuriti Kaunsel ibin kisim sampela rul long resolution we emi traim hat long tok olsem wok bung wantaim manmeri emi gutpela pasin na tu mas larim ol meri long wok insait long ol kainkain wok olsem dispela we bai oli stopim birua na kamapim pis.

Olgeta astingting blong 1325 emi olsem:

- Olgeta meri husat istap insait long kainkain grup na save tokaut long tingting blong ol na tu tingting blong ol long pis.
- Manmeri mas wok bung wantaim na tu mas kisim skul long we blong mekim pis.
- Ol meri na yangpela meri husat istap klostu long ples blong pait o kam long ol refugi oli mas lukautim ol gut.

- Tingting blong planti oli bin tokaut long olgeta yet na hamamas long wanem emi istap insait long system blong UN long ripot program na mekim olgeta wok long we olgeta ibin plenim pinis.

Toktok we Beijing Platform ibin mekim long karimaut wok...chapta E emi olsem: Meri na Armed Conflict Recommendation E.1: "Mas kisim planti meri kam insait long grup we iken tokaut long ol gutpela tingting blong ol yet long we baimbai oli ken halivim ol yet, na ol narapela meri long halivim ol o banisim ol na lukautim ol gut long taim blong birua na ol kainkain pasin nogut o pasin nogut blong narapela kantri.

Wanem ol gutpela samting insait long United Nations Security Council Resolution 1325

Insait long Resolution 1325, emi toktok long ol samting olsem:

- Olgeta meri mas wok insait long kamapim pis.
- Skulim ol manmeri long wok long we long lukautim na holim pas pis.
- Ol meri na ol yangpela meri tu imas gat rot long lukautim ol gut na tu imas luksave long raits blong ol.
- Wok bung wantaim imas kamap gut namel long ol manmeri insait long ol toktok na tu long taim ol iredim ol program.
- Larim United Nation long kamapim ol gutpela we long stretim sindaun.

Long karimaut ol fopela astingting hia, resolution igat 18 pela rot United Nations Secretary wantaim Security Council na olgeta memba kantri imas bihainim.

1. Planti meri imas stap insait long wanpela bikpela grup long kamapim planti tingting long we baimbai oli ken stopim pasin birua na tu kamapim gutpela sindaun blong ol meri.
2. Oli mas kisim planti meri tu long wok insait long ol bikpela wok na tu ol meri imas holim ol bikpela wok insait long UN Field

Missions olsem military observers, civilian polis, human raits na humanitarian wokman.

3. Mas ronim wanpela skul long givim save long ol manmeri long sampela rul na materials long banisim ol , raits na nid blong ol meri na yangpela meri, karimaut wanpela toksave blong UN long painimaut turu samting isave kamap long ol meri na yangpela meri sapos birua ikamap long ol, rol blong ol meri long we baimbai oli kamapim pis, mas save long olgeta rot blong wok bung wantaim na kamapim pis na halivim ol long daunim ol liklik birua insait long ples na tu oli mas save long halivim ol narapela manmeri long kisim gutpela save long kamapim pis.
4. Planti moa meri imas sanap olsem ol bikpela meri long namel long ol yet na kamapim gutpela tingting na save blong ol yet long ol samting igutpela na wanem samting ino gutpela.

Dispela Resolution 1325 emi tokaut long olgeta memba kantri blong UN long mekim olgeta samting hia;

- Givim moni na strongim wok long kamapim skul long skulim manmeri gut. Halivim ol long stopim sindaun nogut. Kisim ol long kot sapos man imekim pasin nogut long kilim dai narapela man blong wanpela ples tasol, na tu kisim man long kot tu husat man imekim birua long namel long ol man meri.
- Mekim toksave program long HIV/AIDS we bai ihalivim ol military na civilian polis tu.
- Mas luksave long bikpela lo we emi toktok long raits blong ol meri na yangpela meri.
- Mas luksave na lukautim gut ol meri na yangpela meri na noken daunim namba blong ol long we yumi save tok nogutim ol.
- Mas harim gut karai blong ol meri, yangpela meri long sait blong birua, pis na sekiuriti blong ol.
- Mas kisim ol kainkain rot na givim strong sapot long olgeta meri long ples tu iwok hat long kamapim pis long ples na mas halivim olgeta meri tu long kainkain we long kamapim pis insait long ples blong ol yet.

Toksave bilong U.N. Sikyuriti Kaunsel

Het Tok

Insait long dispela toksave, mipela tingting gut istap long ol narapela toksave mipela bin wokim pinis, olsem:

- *resolution* 1261 (1999)
- *resolution* 1265 (1999)
- *resolution* 1314 (2000)
- toksave bilong Presiden bilong Sikyuriti Kaunsel long Mas 8, 2000 (SC/6816)

Insait long dispela toksave mipela tingting gut istap long sait bilong ol meri long taim bilong pait, olsem ol narapela toksave mipela bin wokim pinis, olsem:

- *Beijing Declaration and Platform for Action (A/52/231)*
- *"Women 2000: Gender Equality, Development and Peace for the twenty-first century" (A/S-23/10/Rev.1)*

Na insait long dispela toksave mipela tingting gut istap long bikpela wok bilong U.N. na Sikyuriti Kaunsel olsem:

- Stopim ol pait long olgeta hap.
- Mekim gutpela sindaun long olgeta hap.

Mipela ol Sikyuriti Kaunsel istap bel hevi bikos:

- Long taim bilong pait planti man nating, na planti tru long ol meri na pikinini imas ronowe long ol asples bilong ol.
- Planti lain bilong pait ol iwok long kilim idai ol asples lain, taim ol ilaik ronowe.
- Dispela pasin isave bagarapim sindaun bilong ol.

Mipela toktok gen long sait bilong ol meri olsem:

- Ol meri igat bikpela wok long stopim ol pait na kamapim gutpela sindaun, olsem mipela bin tok long *Windhoek Declaration and the Namibia Plan of Action on Mainstreaming a Gender Perspective in Multidimensional Peace Support Operations (S/2000/693)*
- Wok bilong ol meri em i wankain long wok bilong ol man long stopim pait.
- i mas kamapim planti meri gen long dispela kain wok bilong stopim pait na mekim gutpela sindaun.
- i mas gat wanpela mama lo long olgeta hap, bilong lukautim sait bilong ol meri na pikinini meri long taim bilong pait, na bihain long taim bilong pait.

- Taim ol lain wok long rausim ol bom ol isave putim long graun, na skulim ol lain long lukautim dispela kain bom, ol imas tingting gut long ol meri na pikinini meri.

Na mipela ol Sikyuriti Kaunsel tingting gut istap long:

- Toktok bilong Presiden bilong Sikyuriti Kaunsel long Mas 8, 2000 long skulim ol ami bilong U.N. long ol sait bilong ol meri na pikinini long taim bilong pait.
- Wok bilong lukautim sait bilong ol meri na pikinini meri long taim bilong pait, bikos em i wanpela gutpela samting tru long mekim gutpela sindaun long olgeta hap.
- Yumi mas stadim na glasim gut sindaun bilong ol meri na pikinini long taim bilong pait.

Sikyuriti Kaunsel igat sampela askim long mekim olsem:

1. Olgeta kantri i mas kamapim planti meri gen long dispela kain wok bilong stopim pait na mekim gutpela sindaun.
2. Bikman bilong U.N. i mas kamapim planti meri gen long dispela kain wok bilong stopim pait na mekim gutpela sindaun.
3. Olgeta kantri imas salim ol nem bilong ol meri igo long bikman bilong U.N. long mekim dispela kain wok.
4. Bikman bilong U.N. imas kamapim planti meri gen long wokim kainkain wok bilong U.N., ami bilong U.N., polis, na kain samting olsem.
5. Ol Sikyuriti Kaunsel yet imas lukautim sait bilong ol meri insait long ami bilong U.N.
6. Bikman bilong U.N. imas salim igo ol toksave na liklik buk long lukautim sait bilong ol meri, igo long olgeta polis na ami na ol narapela woklain bilong olgeta kantri, na olgeta kantri imas skulim gut ol dispela kain lain long sait bilong meri na sait bilong stopim HIV/AIDS.
7. Olgeta kantri imas givim moa mani gen long lukautim sait bilong ol meri, wantaim mani ol isave salim igo long ol narapela woklain olsem UNHCR, UNICEF na UNIFEM.

8. Taim sampela lain iwok long stopim pait, mekim bel kol na gutpela sindaun bihain long taim bilong pait, ol imas tingim sait bilong ol meri olsem: (a) Ol samting ol imas gat taim ol meri na pikinini meri iwok long go bek long ples bihain long taim bilong pait; (b) Halivim ol asples meri long mekim wok bilong ol long stopim pait; (c) Lukautim sait bilong ol meri na pikinini meri taim ol iwok long kamapim ol niupela lo o mama lo.

9. Taim olgeta ol birua iwok long pait, ol imas bihainim mama lo long sait bilong ol meri na pikinini olsem:

- *Geneva Conventions of 1949 and Additional Protocols thereto of 1977*
- *Refugee Convention of 1951 and Protocol thereto of 1967*
- *Convention Security – 5 – Press Release SC/6942 4213th Meeting (PM) 31 October 2000 on the Elimination of All Forms of Discrimination against Women of 1979 an Optional Protocol thereto of 1999*
- *United Nations Convention of the Rights of the Child of 1989 and two Optional Protocols thereto of 25 May 2000*

Na tingim gut ol lo bilong *Rome Statute bilong International Criminal Court*.

10. Taim olgeta ol birua iwok long pait, ol imas lukautim ol meri na pikinini meri, na stopim ol ami bilong ol long paitim, kilim o goapim ol meri na pikinini meri.

11. Olgeta kantri imas wok long kalabusim ol man husat ibin wokim ol kain pasin nogut olsem long taim bilong pait.

12. Taim olgeta birua iwok long pait, ol imas lukautim gut ol hap bilong ol manmeri husat ibin lusim asples bilong ol long taim bilong pait, na lukautim gut ol sait bilong ol meri na pikinini meri taim ol istap long wanpela kain hap olsem.

13. Ol lain bilong stopim pait na kamapim gutpela sindaun gen, imas tingim gut wanem samting ol man, meri na pikinini imas gat taim ol i lusim pait na wok long go bek long ples.

14. Sikyuriti Kaunsel yet imas tingim gut sait bilong ol meri na pikinini meri, na ol kain samting ol imas gat, taim Sikyuriti Kaunsel igat sampela hevi wantaim wanpela kantri o narapela hap olsem, olsem *Article 41* bilong U.N.

15. Sikyuriti Kaunsel yet imas tingim gut sait bilong ol meri, taim Sikyuriti Kaunsel iwokim wok long ol narapela kantri, na sindaun gut na toktok wantaim ol narapela woklain bilong lukautim ol meri.

16. Bikman bilong U.N. imas stadim na glasim

- ol meri na pikinini meri long taim bilong pait na bihain long taim bilong pait,
- ol meri husat iwok long stopim pait
- sait bilong ol meri long taim bilong stopim pait

na salim wanpela toksave olsem, ikam long Sikyuriti Kaunsel, na olgeta kantri.

17. Bikman bilong U.N. imas toksave long ol bung long Sikyuriti Kaunsel, olsem wanem wok ol woklain ibin wokim pinis long sait bilong ol meri.

18. Sikyuriti Kaunsel yet ol i pasim tingting long wokim ol dispela samting.